



**KETUA PENGARAH KESIHATAN MALAYSIA
DIRECTOR GENERAL OF HEALTH MALAYSIA**

Kementerian Kesihatan Malaysia,
Aras 12, Blok E7, Kompleks E,
Pusat Pentadbiran Kerajaan Persekutuan,
62590 Putrajaya.

Tel. : 603-88832545
Faks : 603-88895542
Email : ismailmerican@moh.gov.my
hasar

**KENYATAAN AKHBAR
KETUA PENGARAH KESIHATAN MALAYSIA**

**Operasi Penguatkuasaan
Peraturan-Peraturan Kawalan Hasil Tembakau 2004 Siri 2/2012
'Ops Basuh' : Operasi Larangan Penjualan Rokok Di Bawah Harga
Minimum Rokok Dan Rokok Tanpa Amaran Kesihatan Bergambar**

Pada 27 dan 28 Februari 2012, Kementerian Kesihatan Malaysia telah melancarkan operasi penguatkuasaan Peraturan-Peraturan Kawalan Hasil Tembakau 2004 peringkat kebangsaan bagi siri kedua tahun 2012. Operasi bertema 'Ops Basuh' ini merupakan lanjutan siri operasi 'Ops Basuh' bagi menguatkuasakan peraturan larangan penjualan rokok di bawah Harga Minimum Rokok yang ditetapkan oleh Kerajaan dan larangan penjualan rokok tanpa cetakan Amaran Kesihatan Bergambar. Operasi ini ditujukan kepada para peniaga yang menjual rokok dengan harga di bawah RM 7.00 sepaket dan rokok tidak sah.

Sebanyak 2,099 buah premis telah diperiksa semasa operasi ini dan sejumlah 121 notis kesalahan telah dikeluarkan ke atas kedua-dua kesalahan yang disasarkan. Seramai 102 orang peniaga telah dikenakan kompaun minimum RM 500.00 setiap orang di atas kesalahan menjual rokok dengan harga di bawah daripada Harga Minimum Rokok. Jumlah nilai kompaun yang dikenakan adalah sebanyak RM 51,000.00. Disamping itu, sebanyak 1598 paket rokok dengan jumlah nilai pasaran sebanyak RM 4,923.60 telah juga disita daripada 39 buah kedai di bawah kesalahan ini.

Selain daripada itu, seramai 19 orang peniaga juga telah diberi notis kesalahan kerana menjual rokok tidak sah. Peniaga-peniaga yang menjual rokok tidak sah tersebut akan didakwa di mahkamah dan sekiranya didapati bersalah, mereka boleh didenda tidak melebihi sepuluh ribu ringgit atau dipenjara selama tempoh tidak melebihi dua tahun. Sebanyak 498 paket rokok tidak sah dengan nilai pasaran sebanyak RM 1,891.40 juga telah disita

daripada kedai peniaga-peniaga tersebut di bawah kesalahan ini. Kesemua rokok tidak sah yang disita tersebut tidak dicetak Amaran Kesihatan Bergambar dan adalah daripada jenama-jenama seperti Gudang Garam, Cordon, D&J, Luffman, League, ESSE, Ray, Tex, Astro, June Slims, Canyon, Virginia Star, U2, LA Lights dan Fisher.

Daripada jumlah 117 orang peniaga yang melakukan kesalahan di atas, terdapat 2 orang peniaga telah dikenakan tindakan kerana melakukan kedua-dua kesalahan Harga Minimum Rokok dan rokok tidak sah. Mereka dikenakan kompaun minimum RM 500 masing-masing dan akan juga didakwa di mahkamah kerana menjual rokok tidak sah. Sejumlah 406 paket rokok dengan nilai pasaran sebanyak RM 1,160.40 juga telah disita daripada kedua-dua peniaga tersebut di bawah kesalahan-kesalahan ini.

Selain daripada kesalahan yang disasarkan seperti di atas, sebanyak 240 kompaun juga telah dikeluarkan terhadap mereka yang melakukan pelbagai kesalahan lain di bawah Peraturan-Peraturan Kawalan Hasil Tembakau 2004. Pecahan hasil operasi adalah seperti di Lampiran 1.

Kementerian Kesihatan Malaysia memberi amaran keras kepada para peniaga agar mematuhi Harga Minimum Rokok dan tidak menjual rokok tidak sah. Kementerian Kesihatan akan meneruskan operasi penguatkuasaan di seluruh Negara dari semasa ke semasa bagi membendung penjualan rokok di bawah Harga Minimum Rokok dan rokok tidak sah demi melindungi kesihatan orang awam serta meningkatkan kesedaran orang awam dan para peniaga tentang peruntukan undang-undang di bawah Peraturan-Peraturan Kawalan Hasil Tembakau 2004.

Orang ramai yang ingin membuat laporan tentang kesalahan penjualan rokok atau kesalahan merokok boleh menghubungi talian Infoline KKM 03-88834400 atau mana-mana Pejabat Kesihatan Daerah yang berhampiran.

Sekian, terima kasih



(DATO' SRI DR. HASAN BIN ABDUL RAHMAN)
KETUA PENGARAH KESIHATAN MALAYSIA

X Mac 2012

**HASIL OPERASI PENGUATKUASAAN PPKHT 2004
'OPS BASUH' : OPERASI LARANGAN PENJUALAN ROKOK DI BAWAH
HARGA MINIMUM ROKOK DAN JUALAN ROKOK TANPA AMARAN
KESIHATAN BERGAMBAR (ROKOK TIDAK SAH)**

Perkara	Jumlah
Jumlah Tempat / Premis Yang Diperiksa	2,099
Jumlah Notis Kesalahan Yang Dikeluarkan	121
Jumlah Kompaun Yang Dikeluarkan Di Bawah Peraturan 8D – Menjual rokok dengan harga di bawah daripada Harga Minimum Rokok	102
Jumlah Notis Kesalahan Yang Dikeluarkan Di Bawah Peraturan 15(1) – Menjual paket rokok tanpa cetakan Amaran Kesihatan Bergambar (Rokok Tidak Sah)	19
Lain-Lain Kesalahan Ditemui	Jumlah Kompaun Yang Dikeluarkan
Merokok Di Tempat Yang Dilarang Merokok	96
Menjual Rokok Secara Sebatang-Sebatang Atau Dalam Paket Yang Terbuka	58
Orang Belum Dewasa Yang Merokok, Membeli Atau Memiliki Hasil Tembakau	51
Tidak Mempamerkan Notis Harga Minimum Rokok	22
Tidak Mempamerkan Tanda Larangan Jualan Hasil Tembakau Kepada Orang Belum Dewasa	10
Gagal Mempamerkan Tanda Larangan Merokok Di Premis Larangan Merokok	2
Tuanpunya Premis Gagal Memastikan Tiada Orang Merokok Di Dalam Premis Larangan Merokok	1